

# Sekitar JPA

Kupasan Perjalanan Transformasi JPA

Edisi 16: 16—30 Sept 2015



## MENARIK DI DALAM

- Lawatan Kerja KPPA ke Sabah .....2
- *Third Joint Working Group (JWG) Meeting on Public Administration and Governance* .....2
- Hari Terbuka PUSPANITA JPA 2015 .....3



## HARI INOVASI & KECEMERLANGAN JABATAN PERDANA MENTERI 2015

Pada 29 September 2015, telah berlangsung Hari Inovasi dan Kecemerlangan Jabatan Perdana Menteri (HIK JPM) 2015 di Pusat Konvensyen Antarabangsa Putrajaya. Tema HIK JPM pada tahun ini ialah 'Kecemerlangan Inovasi Merentas Globalisasi.'

HIK JPM dianjurkan untuk memberi pengiktirafan kepada Jabatan/Agensi JPM yang telah mencapai kecemerlangan dalam pelbagai bidang, sama ada pengurusan, penghayatan inovasi, sosial serta sukan. HIK JPM juga merupakan suatu usaha untuk menyemarakkan pembudayaan inovasi dan kecemerlangan dalam kalangan warga JPM ke arah menjadikan Perkhidmatan Awam Malaysia sebagai sebuah Perkhidmatan Awam yang disegani di persada antarabangsa.

Yang Berhormat Datuk Joseph Entulu Anak Belaun, Menteri di Jabatan Perdana Menteri, dalam ucapan perasmian beliau mengingatkan penjawat awam untuk berkongsi, menjana dan menghasilkan

idea inovasi dan kreatif bagi menambah baik kualiti Perkhidmatan Awam serta menjadikannya sebagai titik tambah dalam mencapai visi transformasi negara

Beliau juga mahukan ketua jabatan menjadi lebih kreatif menyediakan pelbagai platform untuk menjana idea baharu yang sesuai dengan semua lapisan penjawat awam supaya mereka secara sukarela mengusahakan sesuatu pembaharuan dalam memudahkan tugas masing-masing.

Dalam HIK JPM 2015, JPA telah memenangi empat anugerah iaitu Anugerah Pencapaian Sosial dan Sukan, Pertandingan Mencipta Montaj, Tempat Ketiga Anugerah Inovasi JPM 2014 bagi Kategori Non-ICT dan Tempat Ketiga Konvensyen KIK 2015 bagi Kategori Teknikal. Syabas diucapkan kepada para pemenang!

Tahniah juga diucapkan kepada enam orang warga JPA yang menerima Pingat Perkhidmatan Cemerlang dalam HIK JPM 2015.





## **LAWATAN KERJA KPPA KE SABAH SEMPENA DIPLOMA PASCASISWAZAH PENGURUSAN AWAM INTAN TAHUN 2015**

Pada 16 September 2015, Tan Sri Mohamad Zabidi Zainal, Ketua Pengarah Perkhidmatan Awam (KPPA) mengadakan lawatan kerja ke Markas Angkatan Petugas 450, Kem Paradise Kota Belud bagi melihat pelaksanaan Komponen Integrasi Nasional dan Pengukuhan Diri, Program Diploma Pascasiswazah Pengurusan Awam INTAN Tahun 2015, Modul Orientasi Pertahanan Negara (Tentera) Siri 2. Peserta Kadet PTD yang terlibat bagi Komponen kali ini ialah seramai 76 orang peserta Sidang Candelia. Aktiviti lawatan adalah untuk melihat kemudahan penginapan Medan dan aktiviti yang dilakukan oleh para peserta pada ketika itu, iaitu Latihan Kawad Kaki di sekitar Medan.

Pada 17 September 2015 pula, Tan Sri melawat Kem Pasukan Gerakan Am (PGA) Kinarut bagi pelaksanaan Komponen Integrasi Nasional dan Pengukuhan Diri, Program Diploma Pascasiswazah Pengurusan Awam INTAN Tahun 2015, Modul Pengurusan Ketenteraman Awam (Polis) Siri 1 bagi Sidang Diandra. Lawatan diadakan untuk melihat kemudahan infrastruktur dan pelaksanaan Modul secara langsung di pusat latihan.

Sesungguhnya lawatan daripada pihak Pengurusan Tertinggi JPA ini membuktikan komitmen dan sokongan pihak JPA susulan daripada Keputusan Tan Sri Ketua Setiausaha Negara supaya pelaksanaan Modul-modul Luar Program DPA INTAN diadakan dengan berteraskan kepada elemen Integrasi Nasional.

---

## **THE THIRD MALAYSIA - REPUBLIC OF INDIA JOINT WORKING GROUP (JWG) MEETING ON PUBLIC ADMINISTRATION AND GOVERNANCE**

*Kuala Lumpur, 28 September 2015 – Malaysia and Republic of India concluded the Third Joint Working Group (JWG) Meeting on Public Administration and Governance in INTAN Bukit Kiara. During the meeting, both countries shared their best practices in various areas of public administration and governance that will further boost the performance of the civil service of both countries.*

*Malaysia shared their best practices namely the 1Malaysia Civil Service Retirement Support (1PESARA), National Blue Ocean Strategy (NBOS) – 1Malaysia Entrepreneur (1MET), myIdentity and ICT Shared Services. The Republic of India, on the other hand, presented their best practices such as Retirement Benefits Scheme of Indian Civil Service, Rewards for High Achievers, Assessment and Recruitment in the Indian Civil Service and e-Sugam, an innovative commercial tax system.*

*Both countries also explored several Programmes of Action (PoA) which will further enhance strategic collaboration between the Malaysian and Indian civil service. The PoA deliberated were English Language Training/Attachment Programme, Technical Vocational Education & Training (TVET) Collaboration, Training Institute Collaboration Programme incorporating Exchange of Experts and Senior Executive Leadership Development Programme, and e-governance Training Programme focusing on citizen-centric online service delivery.*

*This form of cooperation includes study visit, exchange of expertise, training institute collaboration, establishment of joint project and exchange of information.*





## HARI TERBUKA PUSPANITA JPA 2015

Pada 19 September 2015, telah berlangsung Hari Terbuka PUSPANITA JPA 2015 di perkarangan Lobi C1, JPA, Putrajaya. Program yang disertai oleh semua ahli PUSPANITA JPA serta ahli keluarga mereka ini bertujuan untuk mengeratkan silaturrahim antara ahli dan ahli keluarga mereka.

Antara aktiviti yang diadakan pada Hari Terbuka PUSPANITA JPA 2015 ialah Demonstrasi Memasak, Aktiviti Menjahit Manik, Jualan Bergerak Buku oleh Bookcafe PTS, Senamtari JPA4U, serta Pemeriksaan Kesihatan dan Pergigian.

Pengerusi PUSPANITA JPA, Puan Sri Asmahan Ismail turut berkongsi ilmu dan pengalaman beliau dalam Seminar Skor 'A' Biologi kepada para pelajar tingkatan 4 dan 5 yang terdiri daripada anak-anak warga JPA.

Tidak ketinggalan, aktiviti untuk kanak-kanak seperti Pertandingan Mewarna, Belajar Origami, Fun Indoor Games (Batu Seremban dan Congkak) serta Persembahan Nyanyian Nasyid oleh Kanak-kanak Tadika.

Tan Sri Mohamad Zabidi Zainal, Ketua Pengarah Perkhidmatan Awam, selaku Penasihat PUSPANITA JPA turut hadir untuk memberi sokongan terhadap program anjuran PUSPANITA JPA. Beliau berharap agar penganjuran program berbentuk sosial dan riadah seperti ini terus diadakan dari semasa ke semasa agar dapat merapatkan hubungan ukhwah antara warga JPA serta ahli keluarga mereka.



*"Family means no one gets left behind or forgotten." - David Ogden Stiers*

## KURSUS PEMANTAPAN SAHSIAH (SOFT SKILLS) JPA 2015



Pada 30 September 2015, berlangsung Kursus Pemantapan Sahsiah (Soft Skills) JPA anjuran bersama Institut Tadbiran Awam Negara (INTAN) dan PUSPANITA JPA di INTAN, Kuala Lumpur. Kursus ini telah dihadiri seramai 68 peserta. Objektif penganjuran Kursus ini ialah untuk menyediakan para peserta dengan perkara asas mengenai pemantapan *soft-skills* seperti komunikasi, sikap dan nilai.

Sesi pertama merupakan perkongsian pengalaman Puan Sri Asmahan Ismail, yang merupakan Pengerusi PUSPANITA JPA. Dalam sesi ini, beliau berkongsi pengalaman luas dalam berkomunikasi dan cara membawa diri dalam majlis-majlis rasmi Kerajaan.

Sesi kedua pula dikendalikan oleh Puan Rosita Rahim, dari Bahagian Istiadat, dan Urus setia Persidangan Antarabangsa, Jabatan Perdana Menteri. Dalam sesi ini, beliau berkongsi cara membina perwatakan unggul. Sesi ketiga merupakan perkongsian nilai Islam oleh PU Mohd. Fakhurrrazi Mohd Hanapi dari Pencetus Ummah Razi *Training & Consultancy*. Di sini, beliau banyak menekankan pembinaan nilai dari sudut agama. Sesi keempat diakhiri oleh Dr. Kadeessa Abdul Kadir, Perunding Latihan Kanan INTAN yang berkongsi tentang *English Pronunciation* dan cara untuk melatih diri agar berkomunikasi dengan betul, dari segi sebutan.

# Tahniah & Syabas

kepada semua pemenang dari JPA sempena

## HARI INOVASI DAN KECEMERLANGAN 2015



JABATAN PERDANA MENTERI



### ANUGERAH PENCAPAIAN SUKAN DAN SOSIAL JPM 2014

Anugerah Sosial

**Mohd Nashrul Naim bin Mohd Norshah**

Jabatan Perkhidmatan Awam

### PERTANDINGAN MENCIPTA MONTAJ HIK JPM 2015

**Mohd Faisal bin Hasan**

Jabatan Perkhidmatan Awam

### ANUGERAH INOVASI JPM 2014 (KATEGORI NON-ICT)

Tempat ke-3

Jabatan Perkhidmatan Awam

*Pengucapan Awam Menggunakan Permainan Snake And Ladder*

### PEMENANG KONVENSYEN KUMPULAN

INOVATIF & KREATIF (KIK) JPM 2015 (KATEGORI TEKNIKAL)

Tempat ke-3

SmartReplace, Jabatan Perkhidmatan Awam

*Kelewatan Permohonan Cuti Rehat Semakin Meningkatkan*

# Tahniah & Syabas

KEPADA SEMUA PENERIMA PINGAT PERKHIDMATAN CEMERLANG  
SEMPENA

## HARI INOVASI DAN KECEMERLANGAN 2015



JABATAN PERDANA MENTERI



### PINGAT PERKHIDMATAN CEMERLANG (P.P.C) JABATAN PERKHIDMATAN AWAM 2014

**EN. MOHAMAD FAUZI BIN SAAD**

Pegawai Psikologi (S52)

**EN. REDHAUDDIN BIN KAMARUZAMAN**

Pegawai Tadbir & Diplomatik (M48)

**EN. BOOI CHONG LENG**

Pegawai Tadbir & Diplomatik (M48)

**PN. NUR HANANI BINTI MUHAMMAD**

Pegawai Tadbir & Diplomatik (M44)

**PN. ESTIA AMY NYOPIEH**

Pegawai Teknologi Maklumat (F44)

**EN. MOHD FAIZAL BIN ZAINAL ABIDIN**

Penolong Pegawai Tadbir (N32)



## JABATAN PERKHIDMATAN AWAM

Blok C1-C3, Kompleks C, Pusat Pentadbiran Kerajaan Persekutuan, 62510 W.P. Putrajaya, Malaysia | Telefon: 603 8000 8000

Sumbangan Berita: Warga JPA | Penerbitan: Pasukan Komunikasi | Percetakan: Unit Dokumentasi, JPA



[www.jpa.gov.my](http://www.jpa.gov.my)



Jabatan  
Perkhidmatan Awam



@jpa2day



Jabatan  
Perkhidmatan Awam



jpa2day